

Hakeri i hakerke, da li ste spremni za ultimativni hack fest koji spaja kodiranje sa društveno korisnim inovacijama?

Treći **GOOD HACKathon stiže**, a Telemach fondacija i Elektrotehnički fakultet Univerziteta u Sarajevu, uz podršku United Cloud-a i Evropske noći istraživača, zovu vas da pokažete šta znate i osjetite moć timskog rada! Na 24-satnom maratonu kreativnog product developmenta, kodiranja, i sales pitcha čeka vas prilika da osvojite vrijedne nagrade – uključujući posjetu United Cloud-u, razvojnom centru budućnosti!

Šta je GOOD HACKathon? To je prilika za sve vas sa prvog i drugog ciklusa elektrotehničkih i srodnih fakulteta u BiH da u roku od 24 sata razvijete ideju, isprogramirate demo aplikaciju, te inkorporirate AI buduća rješenja, koja će unaprijediti kvalitet života u BiH! Zadatak dobijate na licu mjesta, a žiri će ocijeniti vašu kreativnost, tehničke vještine i pitch prezentaciju uživo!

Ko može učestvovati? 10 timova sa 2 do 4 člana, u borbi za prvo mjesto! Razvij ideju, kodiraj, demonstriraj svoje rješenje i osvoji nagradu. Mi brinemo o svemu – od radnog prostora do chill zone, a za tim koji napravi najbolju aplikaciju spremamo vrijedne nagrade!

Kad i gdje? U Sarajevu, od 24. do 26. oktobra 2024! Ako nisi iz Sarajeva – no stress, mi ti plaćamo prevoz i smještaj! Spremi se za intenzivna, ali zabavna 3 dana puna izazova, nezaboravnog druženja i networkinga!

Šta možeš osvojiti? Najbolji timovi osvajaju nagrade – od 500 KM do 700 KM po članu, a pobjednici idu i na ekskluzivnu posjetu United Cloud-u u Beogradu! Ovo je šansa da zablistaš pred vodećim IT stručnjacima i sebi otvoriš buduće prilike.

Prijavi se, formiraj tim i kreni u **GOOD HACK avanturu** koja te može lansirati u tech orbitu! 🚀

Kako se prijaviti?

- Oformi tim od 2 do 4 člana različitog backgrounda, dajte mu ime i prijavite se putem linka.
- Minimalno jedan član tima mora imati iskustvo u programiranju.
- Pored tehničkih vještina programiranja, timovi treba da pokažu kreativnost, prezentacijske vještine i biznis mindset.
- Svaki tim treba da donese barem jedan laptop za rad.
- Rok za prijave: 14. oktobar 2024. u 15:00 sati.
- Timovi koji prođu selekciju će 19. oktobra dobiti email sa potvrdom o učešću i detaljnim instrukcijama.

A zatim, polijećemo... uz jedinstveni trening, rame uz rame s ekspertima iz nagrađivanog tima United Cloud-a i vodećim profesorima sa Elektrotehničkog fakulteta u Sarajevu iz AI polja, koji će vam predstaviti najnovije trendove product developmenta, naučiti vas kako dobro definisati product strategiju i uvesti vas u AI svijet product launcha. A da biste zablistali, uz interaktivne treninge pripremiće vas i za pitch prezentaciju koja će, sigurni smo, oduševiti žiri!

Kriteriji ocjenjivanja finalnih rješenja:

- **Pristupačnost za korisnike** – 15%
- **Inventivnost** – 10%
- **Izvedivost ideje** – 10%
- **Percepcija pružene vrijednosti** – 10%
- **Implementacija i funkcionalnost aplikacije** – 25%
- **Integracija AI komponente** – 10%
- **Prezentacija** – 20%

Pogledaj raspored*

Četvrtak, 24. oktobar

11:00 – 12:00 Registracija učesnika/ca

13:00 – 13:00 Ručak

13:30 – 18:00 Uvodne trening sesije

**Detaljna agenda će biti dostupna naknadno*

18:00 – 19:30 Druženje učesnika

Petak, 25. oktobar

07:00-08:00 Registracija učesnika

09:00 Početak Hackathona

Subota, 26. oktobar

09:00 kraj Hackathona

10:00 – 12:00 Prezentacija rješenja

13:00 – 14:00 Proglašenje pobjednika i dodjela nagrada

PRIJAVI SE!



Evropska unija



**Naukatorium:
Poveži um**

